

ԵՎՐԱՍԻԱԿԱՆ ՏՆՏԵՍԱԿԱՆ ՄԻՈՒԹՅԱՆ ԱՆԴԱՄ ԶՀԱՆԴԻՍԱՑՈՂ
ՊԵՏՈՒԹՅՈՒՆՆԵՐԻՑ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՐԱԾՔ ՆԵՐՄՈՒԾՎՈՂ ԵՎ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՐԱԾՔՈՒՄ ԻՐԱՅՎՈՂ ՀԱՄԱՊԱՏԱՍԽԱՆՈՒԹՅԱՆ
ԳՆԱՀԱՏՄԱՆ ԵՆԹԱԿԱ ՊԱՐԵՆԱՅԻՆ ԱՐՏԱԴՐԱՆՔԻ ՀԱՄԱՊԱՏԱՍԽԱՆՈՒԹՅԱՆ
ՀԱՅՏԱՐԱՐԱԳՐԻ ԼՐԱՑՄԱՆ ԿԱՆՈՆՆԵՐԸ ԵՎ ՁԵՎԸ

1. Համապատասխանության հայտարարագրման ժամանակ որպես հայտատու կարող է հանդես գալ Հայաստանի Հանրապետության տարածքում Հայաստանի Հանրապետության օրենսդրությանը համապատասխան գրանցված իրավաբանական անձը կամ անհատ ձեռնարկատերը, որը կարող է լինել արտադրանք ներմուծողը կամ վաճառողը կամ արտադրողի լիազոր ներկայացուցիչը (այսուհետ՝ հայտատու):

2. Համապատասխանության հայտարարագիրը լրացվում է A4 (210x297 մմ) ձևաչափի սպիտակ թղթի վրա:

3. Հայտարարագիրը լրացվում է հայերենով՝ էլեկտրոնային տպող սարքերի օգտագործմամբ և սույն կանոնների 5-րդ կետի համաձայն: Անհրաժեշտության դեպքում, արտադրողի անվանումը, նրա գտնվելու վայրը (իրավաբանական անձի հասցեն), գործունեության իրականացման վայրի հասցեն (բացի պետության անվանումից), ինչպես նաև արտադրանքի մասին տեղեկությունները (արտադրանքի տեսակը, մակնիշը, մոդելը, արտիկուլը և այլն) կարող են լրացվել լատինատառ:

4. Հայտարարագրի բոլոր դաշտերը պետք է լրացված լինեն, բացառությամբ սույն կանոնների 5-րդ կետի 3-րդ ենթակետը:

5. Հայտարարագրում նշվում է հետևյալը.

1) 1-ին դաշտում՝ «ARM ՀԱՄԱՊԱՏԱՍԽԱՆՈՒԹՅԱՆ ՀԱՅՏԱՐԱՐԱԳՐԻ».

2) 2-րդ դաշտում՝ իրավաբանական անձի դեպքում՝ հայտատուի անվանումը, նրա գտնվելու վայրը (իրավաբանական անձի հասցեն) և գործունեության իրականացման վայրի հասցեն (եթե հասցեները տարբեր են), կամ անհատ ձեռնարկատիրոջ դեպքում՝ ազգանունը, անունը, հայրանունը, բնակության վայրը և գործունեության իրականացման վայրը (եթե հասցեները տարբեր են), Հայաստանի Հանրապետության օրենսդրությամբ սահմանված հայտատուի գրանցման կամ հաշվառման համարը (անհատական, նույնականացման)՝ իրավաբանական անձի կամ անհատ ձեռնարկատիրոջ պետական գրանցման համարը, հեռախոսահամարը և էլեկտրոնային փոստի հասցեն.

3) 3-րդ դաշտում՝ որպես հայտատու հանդես եկող և հայտարարագիր գրանցելու իրավասություն ունեցող կազմակերպության ղեկավարի կամ նրա լիազոր ներկայացուցչի պաշտոնը, ազգանունը, անունը և հայրանունը: Եթե հայտատուն հանդիսանում է անհատ ձեռնարկատեր, ապա տվյալ դաշտը չի լրացվում.

4) 4-րդ դաշտում՝ արտադրանքի վերաբերյալ տեղեկություններ, ներառյալ՝

ա. արտադրանքի անվանումը և նշանակությունը կամ արտադրանք արտադրողի կողմից սահմանված այլ պայմանական նշանակությունը (առկայության դեպքում).

բ. արտադրանքի մասին այնպիսի տեղեկությունները, որոնք ապահովում են արտադրանքի նույնականացումը (առկայության դեպքում).

գ. Եվրոպական միության անդամ պետությունների, Շվեյցարիայի, Նորվեգիայի, Ամերիկայի Միացյալ Նահանգների, Կանադայի, Ճապոնիայի կամ Միացյալ Թագավորության տարածքներում արտադրված լինելը հավաստող փաստաթուղթ՝ ծագման երկրի հավաստագիր (սերտիֆիկատ).

դ. իրավաբանական անձի և նրա արտադրանքն արտադրող մասնաճյուղերի դեպքում՝ արտադրողի անվանումը, նրա գտնվելու վայրը (իրավաբանական անձի հասցեն) և գործունեության իրականացման վայրի հասցեն (եթե հասցեները տարբեր են) կամ անհատ ձեռնարկատիրոջ դեպքում՝ ազգանունը, անունը և հայրանունը, բնակության վայրը և գործունեության իրականացման վայրի հասցեն (եթե հասցեները տարբեր են).

ե. ստանդարտների ցանկը՝ նշելով դրանց նշագրերը և լրիվ անվանումները, ինչպես նաև բաժինները (կետերը, ենթակետերը. արտադրանքի արտադրության մեջ դրանց կիրառման դեպքում)։

զ. արտադրանքի ծածկագիրը (ծածկագրերը)՝ Եվրասիական տնտեսական միության արտաքին տնտեսական գործունեության ապրանքային անվանացանկին և սույն հրամանի N 1 հավելվածով սահմանված ցանկին համապատասխան։

է. խմբաքանակի չափը և ապրանքաուղեկցող փաստաթղթերի վավերապայմանները՝ նույնականացնելով արտադրանքի խմբաքանակը (այդ թվում նաև խմբաքանակի չափը)։

ը. «ՏՎՅԱԼ ԱՐՏԱԴՐԱՆՔԸ ԱՐՏԱՀԱՆԵԼԻ ՉԷ» գրառումը։

5) 5-րդ դաշտում՝ տեխնիկական կանոնակարգերի անվանումները։

6) 6-րդ դաշտում՝ տեղեկություններ փորձարկման արձանագրությունների վերաբերյալ, որոնք տրամադրվել են Լաբորատորիաների հավատարմագրման միջազգային համագործակցության («International Laboratory Accreditation Cooperation» - «ILAC») բազմակողմ ճանաչման պայմանագրի կողմ հանդիսացող հավատարմագրման մարմնի կողմից հավատարմագրված փորձարկման լաբորատորիաների կողմից, որոնք համարժեք են Հայաստանի Հանրապետությունում գործող տեխնիկական կանոնակարգերով կամ վերջիններիս կիրարկումն ապահովող ստանդարտներով սահմանված նորմերի կամ ցուցանիշների թույլատրելի առավելագույն արժեքներին (նշվում է փորձարկման լաբորատորիայի համարը, ամսաթիվը, անվանումը, հավատարմագրման վկայագրի գրանցման համարը), ինչպես նաև հայտատուի կողմից ներկայացված այլ փաստաթղթերի վերաբերյալ, որոնք հանդիսանում են որպես ապացույց՝ տեխնիկական կանոնակարգերով սահմանված պահանջներին արտադրանքի համապատասխանության համար։

7) 7-րդ դաշտում՝ ստանդարտների և այլ փաստաթղթերի վերաբերյալ տեղեկատվություն, պահման պայմաններն ու պիտանիության ժամկետը, արտադրանքի ռեսուրսները (առկայության դեպքում)։

8) 8-րդ դաշտում՝ հայտարարագրի գործողության դադարեցման ամսաթիվը (օրը՝ արաբական երկու թվանշանով, ամիսը՝ արաբական երկու թվանշանով, տարեթիվը՝ արաբական չորս թվանշանով)։

9) 9-րդ դաշտում՝ որպես հայտատու հանդես եկող անհատ ձեռնարկատիրոջ, կազմակերպության ղեկավարի կամ կազմակերպության լիազոր անձի ստորագրությունը, ազգանունը, անունը և հայրանունը՝ հայտատուի կնիքով (եթե այլ բան սահմանված չէ Հայաստանի Հանրապետության օրենսդրությամբ)։ Չի թույլատրվում ստորագրության փոխարեն ընդօրինակության (ֆաքսիմիլի) օգտագործումը։

10) 10-րդ դաշտում՝ հայտարարագրի գրանցման համարը՝ նշելով ARM, որի կառուցվածքը հաստատում է «Հավատարմագրման ազգային մարմին» պետական ոչ առևտրային կազմակերպության կողմից։

11) 11-րդ դաշտում՝ համապատասխան ռեեստրում գրանցված համապատասխանության հայտարարագրի գրանցման ամսաթիվը (օրը՝ արաբական երկու թվանշանով, ամիսը՝ արաբական երկու թվանշանով, տարեթիվը՝ արաբական չորս թվանշանով)։

6. Հայտարարագրի 4-րդ, 6-րդ և 7-րդ դաշտերում նշված տեղեկատվության ծավալուն լինելու դեպքում այն կարող է ներկայացվել հայտարարագրի հավելվածով (բացառությամբ «Արտահանելի չէ» գրառման), որը հանդիսանում է հայտարարագրի անբաժանելի մասը և առանց հայտարարագրի իրավաբանական ուժ չունի։ Հավելվածի յուրաքանչյուր էջ համարակալվում է, որի վրա գետեղվում է համապատասխանության հայտարարագրի գրանցման համարը, հայտարարագրի ընդունած անձի ազգանունը, անունը և հայրանունը, ինչպես նաև հայտատուի կնիքը (եթե այլ բան սահմանված չէ Հայաստանի Հանրապետության օրենսդրությամբ)։ Հայտարարագրի համապատասխան դաշտերում հղում է կատարվում հավելվածին՝ նշելով էջերի քանակը։

7. Արգելվում է հայտարարագրի մեջ ներառել սույն կանոններով չնախատեսված տեղեկություններ, կատարել բառերի կրճատումներ (բացառությամբ համընդհանուր նշանակության կամ կրճատումների) կամ հայտարարագրի տեքստի ցանկացած ուղղում։

8. Համապատասխանության հայտարարագրերի պատճենները պատրաստվում են հայտարարագիր ընդունող անձի կողմից A4 (210x297մմ) ձևաչափի սպիտակ թղթի վրա՝ հաստատված տվյալ անձի կամ Հայաստանի Հանրապետության օրենսդրության համաձայն հայտատու կազմակերպության լիազորված անձի ստորագրությամբ, ինչպես նաև կնիքով (եթե այլ բան սահմանված չէ Հայաստանի Հանրապետության օրենսդրությամբ):

ARM ՀԱՄԱՊԱՏԱՍԽԱՆՈՒԹՅԱՆ ՀԱՅՏԱՐԱՐԱԳԻՐ (1)

ՀԱՅՏԱՏՈՒ (2)

Ի ԴԵՄՍ ----- (3)

Հայտարարում եմ, որ ----- (4)

----- և

ՏՎՅԱԼ ԱՐՏԱԴՐԱՆՔԸ ԱՐՏԱՀԱՆԵԼԻ ՉԷ

Համապատասխանում է -----

----- պահանջներին (5)

Համապատասխանության հայտարարագիրն ընդունված է -----

----- հիման վրա (6)

Լրացուցիչ տեղեկատվություն -----

----- (7)

Համապատասխանության հայտարարագիրն ուժի մեջ է գրանցման ամսաթվից մինչև
----- ներառյալ (8)

----- Կ.Տ. ----- (9)
ստորագրություն Հայտատուի Ա.Ա.Հ

Համապատասխանության հայտարարագրի գրանցման համարը

ARM N ----- (10)

Համապատասխանության հայտարարագրի գրանցման ամսաթիվը ----- (11)